



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 08-40-5-93/19

Datum: 15.1.2019. godina

VEČERNJI LIST

Reagovanje na tekst Marka Karačića objavljen 2.1.2019. godine u *Večernjem listu*

U *Večernjem listu* od 2.1.2019. godine objavljen je tekst autora Marka Karačića naslovljen *Kaser dobio više glasova nego što ima Hrvata u Tešnju*, gdje se, između ostalog, navodi da je "nad Hrvatima Tešnja provedeno etničko čišćenje i da je od nekadašnjih skoro 9000 tešanjskih Hrvata, danas tamo ostalo manje od 1500".

U cilju informisanja javnosti, želimo iznijeti slijedeće.

Neistina je konstatacija o etničkom čišćenju tešanjskih Hrvata. Ona je produkt neznanja, ili loše namjere.

Na tešanjskom prostoru uopće nije bilo tzv. etničkog čišćenja. Od 1991. godine teritorij općine Tešanj dva puta je smanjivan. Područje naselja Vitkovci i Vrela pripojeno je Dejtonskim sporazumom drugom entitetu, čime je broj stanovnika smanjen za oko 1.500. Osim toga, 5.729 stanovnika pripojeno je novoosnovanoj Općini Usora, a od toga je preko 5.000 Hrvata. Prema tome, etnički sastav današnje općine Tešanj posljedica je agresije i Dejtonskog sporazuma, te formiranja Općine Usora (od dijelova općina Tešanj i Doboj) Odlukom Visokog predstavnika u decembru 1997. godine.

Također ističemo da jedinice Armije Republike Bosne i Hercegovine i 110. brigade HVO Usora tokom agresije na našu zemlju ne samo da nisu imale oružani sukob nego su u Tešnju i u najtežim danima sačuvani tradicionalno dobri međuljudski odnosi, uz poštovanje civilizacijskih i drugih vrijednosti.

Iznesena konstatacija štetna je po stanovnike općina Tešanj i Usora, kao i po istinu o zbivanjima tokom agresije na Republiku Bosnu i Hercegovinu. Stoga od vas zahtijevamo objavu ovog reagovanja, u nadi da se ovakve stvari u budućnosti neće ponavljati.



Kabinet Načelnika Općine Tešanj